

書名 北堂書鈔一百六十卷 萬曆  
二十八年序刊本  
撰者 唐 虞世南 撰, 明 陳禹謨  
校併補注  
卷 卷五十

# 卷五十

內容分類 子-類書-彙考-唐五代  
索書號 大木-子部-類書類-3  
編號 C5913000

[彩色首頁1](#)

[東洋文化研究所漢籍目錄 編號: C5913000](#)

[東洋文化研究所漢籍目錄所藏漢籍善本文影像資料庫 索書號: 大木-子部-類書類-3](#)

[漢籍善本文影像資料庫文本 北堂書鈔一百六十卷 萬曆二十八年序刊本](#)

[版權所有: 東京大學 東洋文化研究所](#)

[使用上的注意事項](#)



北堂書鈔卷第一

帝王部

帝王部  
總載一

帝系二

奇表四

帝王部  
總載一

總稱

帝者天號

正氣為帝

帝者

王者天下之所往也

文子曰帝者天下之適也王者天下

唐 姚江 虞世南 輯  
明海虞陳禹謨校并補註



北堂書鈔

卷一

三百三十三

鄭終簡公之身內無國中顓頊十五佐黃帝昔者顓頊

之亂外無諸侯之患也顓頊十五而佐黃帝二十而治天下其治天下也帝

上緣黃帝之道而行之學黃帝之道而常之補帝

**學十五佐顓頊**又云昔者帝學年十五而佐帝顓頊

帝之道而明之學帝顓頊之道而行之補**介子推十五相荆**說苑云介子

而相荆仲尼聞之使人往視還曰廊下有二十五人推行年十五

士堂上有二十五老人仲尼曰舍二十五人之智智於湯武并二十五人之力力於**甘羅年十二相秦**史

彭祖以治天下其固免矣乎補甘茂傳云甘羅十二事秦相文信侯呂**伊尹放太甲**

不韋後秦爵為上卿復以茂田宅賜之呂氏春秋云文王造之而未遂武王

**周公抱少主**遂之而未成周公旦抱少主而成之

故曰**復子明辟**致政成王**卷第四十九**

唐 姚江 虞世南 輯

明海虞陳禹謨校并補註

北堂書鈔卷第五十

設官部二

總載三公

尚書曰立太師太傅太保茲惟三公論道經邦變理

陰陽 孔子曰師天子所法傳傳相天子保保安天

子於德義此惟三公之任佐王論道以經緯國事和

理陰陽言有德謀官不必備惟其人言三公官不必



入瓶



備員惟其人有德乃處之少師少傅少保曰三孤此  
三官名曰三孤孤特言卑於公也貳公弘化寅亮天  
地弼予一人副二三公弘大道以輔我一人 河圖  
祿運法曰舜以太尉受號為天子五年二月東巡狩  
至於中州與三公諸侯臨觀黃龍五采負圖出置舜  
前也 尚書刑德攷曰益為司馬尚為司徒禹為司  
空聖帝即位三公象三能矣 韓詩外傳曰三公者  
何曰司空司徒司馬主天司空主地司徒主人  
故陰陽不調星辰失度責之司馬山陵崩絕川谷不

流責之司空五穀不殖草木不茂責之司徒 禮記

曰孟春之月天子率三公九卿諸侯大夫躬耕帝籍

鄭玄曰帝上帝籍天子籍田千畝以供上帝之粢盛天子三推公五推卿諸侯

九推推未發土三公九卿皆御御進也 春秋演禮圖曰諸

侯為外蕃三公為中輔 春秋元命苞曰魁下六星

兩兩而比曰三台主閭德宣符德立題 能之為言

耐也天官器人各以其材因而任之則分職治其象

以見符能今之古字也耐今之能字也 春秋漢舍孳曰三公象五岳

九卿法河海 公羊傳云三公者何天子之相也

孝經援神契曰五岳視三公四瀆視諸侯 許慎五  
經異義曰今尚書夏侯毆陽說天子三公一曰司徒  
二曰司馬三曰司空九卿二十七大夫八十一元士  
凡百二十在天爲山川古周禮說天子立三公曰太  
師太傅太保無官屬與王同職故曰坐而論道謂之  
三公又立三少以爲之副曰少師少傅少保是爲三  
孤冢宰司徒宗伯司馬司寇司空是爲六卿之屬大  
夫士庶人在官者凡萬二千石案周公爲傅召公爲  
保太公爲師周公太公無爲司徒司空文知師保傅

三公官名也五帝三王不同物此周之制也 許慎  
五經異義云古周禮說天子無爵三公無官冒號於  
天何爵之名參職於天子何官之有 五經異義曰  
王者已有州伯所以復設二伯何欲使絀職也三歲  
一閏天道小備故二伯絀職也何以爲二伯乎曰以  
三公在外稱伯東西分爲二所以稱伯何欲抑之也  
三公臣之最尊者也又以王命行天下爲其威故抑  
之明有所屈伯也 韋昭辨釋云公貢也才德兼於  
人人咸貢薦於王而用之也辨云公猶取正直無私

也故曰公字從公

八音背么古之私字背私則為公者也

漢書太師太

傅太保是為三公記曰三公無官言有其人然後充

之舜之於堯伊尹於湯是也 漢書曰鄒陽上書於

陵仲子辭三公為人灌園 漢書曰丙吉為丞相嘗

出逢清道羣闖者死傷橫道吉過之不問前行逢人

逐牛問行幾里矣掾吏獨為丞相失問吉曰民闖相

殺傷長安令京兆尹職所當禁歲竟丞相課其殿最

奏行賞罰而已宰相不親小事非所當於道路問也

方春少陽用事未可太熱恐牛近行困暑故喘此時

氣失節恐有所傷害也公典調和陰陽職所當問

漢書曰丞相孔光初為御史大夫時董賢父恭為御

史事光及賢為大司馬與光竝為三公上故令賢私

過光光雅恭謹知上欲尊寵賢及聞賢當來也光警

戒衣冠出門待望見賢車却入賢至中門光入閣既

下車乃出拜謁送迎甚謹不敢以賓客鈞鉅 禮賢

歸上聞之喜立拜光兩兄子為謀議大夫 漢

書新都侯王莽為大司馬秉政權彭宣上書言三公

鼎足承君一足不任則覆亂美實臣資性淺薄年齒

老眊數伏疾病昏亂遺忘願上大司空長平侯印綬  
乞骸骨歸鄉里埃填溝壑 皇用謚帝王世記曰三  
公者知通乎天道應變無窮辨於萬物之情者也其  
言足以調陰陽四時而節風雨如是舉以爲三公之  
事 謝丞後漢書曰鄭弘爲臨淮太守行春兩白鹿  
隨車夾轂而行弘佐問主簿黃國鹿爲吉凶拜賀曰  
聞三公車幡畫作鹿明府當爲宰相後弘果爲太尉  
謝丞後漢書曰靈帝欲以羊續爲太尉時拜三公  
者皆輸東園禮錢千萬今中使督之名爲左驪其所

之往輒迎致禮敬厚加賜賂續乃坐使人於單席舉  
緼袍而示之曰所資惟斯而已故不登三公位而徵  
爲太常卿 謝丞後漢書曰胡廣在台輔三十餘年  
經事六帝禮任甚優每遜位辭疾及逸退田里未嘗  
滿歲輒復升進凡一履司徒三登太尉及爲太傅其  
辟命皆天下名士與故吏陳蕃李咸竝爲三司蕃等  
每朝會輒稱疾避廣時人榮之 謝丞後漢書曰黃  
憲同郡陳蕃爲三公臨朝而嘆曰叔度若在不先  
佩印綬矣 又曰陳謙字伯謙爲御史中丞同郡宣

北堂書錄 卷五十一  
豐時爲衛尉司徒位缺尚書欲案以補之咨問於謙  
謙正坐不答豐亦因士大夫謂謙曰位不可妄假人  
三司位重上和陰陽下訓五品豈可得處宣豐何人  
而欲居稷卨之官傳語者愧而退 司馬彪續漢書  
曰楊彪字文先博覽衆書有恭孝稱至司徒太尉見  
漢祚將終自以累世三公耻後爲魏臣乃稱脚攣不  
復行魏文卽位賜杖几延請之又使着鹿皮冠拜光  
祿大夫秩中二千石朝見位次三公 范曄後漢書  
曰虞詡薦龐參有宰相器能順帝時以爲太尉錄尚

書事是時三公之中參名忠直數爲左右所陷毀以  
所舉用忤帝旨 又云安帝卽位太尉徐防以災異  
寇賊策免就國凡三公災異免始自防也 司馬彪

九州春秋曰崔烈廷尉卿靈帝時開鴻都門榜賣官  
爵烈時入錢五百萬得爲司徒及拜日天子臨軒百  
僚畢會帝顧謂倖者曰恨不小靳可至千萬程夫人  
於傍應曰崔公冀州名士豈肯買官賴我得是反不

知姝邪

注曰姝美也言反不知斯事  
之美也或作株根本也補

烈問其子鈞曰

吾居三公於議者何如鈞曰大人少有英稱歷位卿



守論者不謂當爲三公而今登其位天下失望烈曰何爲然也鈞曰論者嫌其銅臭耳烈怒舉杖擊之鈞走烈罵曰死卒父搃而走孝乎鈞曰舜之事父小杖則受大杖則走非不孝也烈慙而止 魏志曰高柔字文惠爲廷尉魏初三公無事又希與朝政柔上疏曰天地以四時成功元首以輔弼興治成湯仗阿衡之佐文武憑旦望之力逮至漢初蕭曹之儔並以元勲代作心膂此皆明王聖主任臣於上賢相良輔股肱於下也今公輔之臣各偃息養高鮮有進納誠非

朝廷崇用大臣之義大臣獻可替否之謂也古者刑政有疑輒議於槐棘之下自今之後朝有疑議及刑獄大事宜數以咨訪三公三公朝朔望之日又可特延入講論得失博盡事情庶有裨起天聽弘益大化帝嘉納焉 魏志曰文帝卽王位鍾繇復爲大理及踐祚遷太尉轉封平陽鄉侯時司徒華歆司空王朗竝先世名臣文帝罷朝謂左右曰此三公者乃一代之偉人也後世殆難繼矣明帝卽位進封定陵侯增邑五百遷太傅繇有膝疾拜起不便時華歆亦以高

年疾病朝見皆使載輿車虎賁昇上殿就坐是後三公  
公有疾遂以爲故事 魏志曰崔林爲司徒封安陽

亭侯三公封列侯因此 蜀志蔣琬字公琰夜夢有

一牛頭在門前流血滂沱意甚惡之呼問占夢趙直

直曰夫見血者事分明也牛角及鼻公字之象君位

必當至公大吉之徵也 晉書曰庾嶷弟純字謀甫

門宗最知名博學有才義爲世儒宗早有公望 吳

鈞齊春秋曰柳世隆字彥緒太尉元景弟子也器望

清華音吐雅潤宋孝武聞而奇之後爲虎威將軍上

庸太守孝武謂元景曰卿昔以此職遂至公輔今復

以加世隆令卿門三台不絕也 環濟要略云公者

謂太師太傅太保也師王所尊也傅助王事保安也

保王身也凡此皆內與王論道中叅六官之事三公

者象鼎三足共承其上也殷時有阿衡伊摯佐之太

甲改爲保衡皆三公官也有三少少師少傅少保是

爲三孤副助三公者也孤者不掌官桀然孤特 晉

八王故事曰太康七年正旦日蝕詔公卿大臣各上

封事其咎安在汝南王亮與司徒舒司空瓘上言三

北堂書錄 卷五十一  
司之任天地人也乾道不普故水旱爲灾人倫失序  
故奸兇不禁乃者荊州之城妖灾仍興任城國都水  
流變赤延三朝之始日有蝕之孟陽節過堅冰未消  
臣等瑣才叨優高位可謂小人而乘君子之器宜就  
顯戮以答天意謹免冠徒跣上所假章綬詔曰夫陰  
陽失序朕干天道刑政失中之所政也其使冠履勿  
復道 應劭漢官儀曰今太尉司徒下書州郡事文  
皆稱公蓋倉頡作書自環者謂之私背私者謂之公  
春秋九命作宰天子御坐卽起其興爲下凡拜天子

臨軒六百石以上悉會直事卿贊御史授公三讓然  
後乃受之漢禮儀曰天子稱尊號曰皇帝者曰制補  
制言曰詔稱民有言有辭曰陛下今皆施行詩云肅  
肅王命仲山甫將之邦國若不仲山甫朋之詔今之  
義三公三人以承君蓋由鼎有足故易曰鼎象也

徐廣衣服儀制云三公安車駕三特進駕二 徐廣  
車服儀制曰太康七年詔依舊三公旣拜爲之小會  
漢名臣奏事曰張禹奏臣聞天有三光以成其化  
方今三公之官不備丞相獨綱領天下萬事最衆多

明不盡獨見誠非一人之所作也 史記曰甘茂學  
 百家之說秦使茂定蜀遠而以茂為左丞相以樗里  
 子為右丞相 樗里子滑稽多智秦人號曰智囊  
 事武王以為丞相使以車百乘入周周以卒迎甚敬  
 之昭王即位樗里益尊 史記曰穰侯魏冉者秦昭  
 王母宣太后弟也昭王十六年而冉相秦魏人范雎  
 譏穰侯越三晉以攻齊以此時干說昭王昭王用雎  
 雎言宣太后專制穰侯擅權於諸侯乃免相就封穰  
 侯出關輜車千乘有餘 史記曰李斯為丞相置酒

於家百官長皆前為壽門廷車騎以千數李斯喟然  
 而嘆曰嗟乎吾聞之荀卿曰物禁太盛夫斯乃上蔡  
 布衣閭巷之黔首上不知其驚下遂擢至此當今人  
 臣之位無居臣上者可謂富貴極矣物極則衰吾未  
 知所稅駕也 又曰趙高為丞相欲為亂恐羣臣不  
 聽乃先設驗持鹿獻於二世曰馬也二世笑曰丞相  
 誤耶謂鹿為馬問左右左右或默或言馬阿趙高或  
 言鹿者高因陰中言鹿者以法 又曰元鼎五年秋  
 丞相有罪罷

案漢書丞相趙周坐耐金免補

制詔御史萬石君先帝

尊之子孫孝其以御史大夫石慶為丞相 又曰韋丞相賢者魯人也以讀書術為吏至太鴻臚有相工相之當至丞相有男四人使相工相之至第二子其名玄成相工曰此子貴當封韋丞相言曰我即為丞相有長子是安從得之後竟為丞相病死而長子有罪論不得嗣而立玄成玄成時佯狂不肯立竟立之有讓國之名 又曰魏丞相者濟陰人以文吏至丞相其人好武皆令諸吏帶劍帶劍前奏事或有不帶劍者當入奏事至乃借劍而後敢入 又曰匡衡為

御史歲餘韋丞相死衡代為丞相封安樂侯以十年之間不出長安城門而至丞相豈非遇時而命也哉

皇甫謐帝王世紀曰伊尹為丞相仲尼為左丞相漢書秦置左右丞相文帝二年復置一丞相有兩長史秩千石哀帝元壽更名大司徒 漢書曰王陵為

人少文任氣好直言為右丞相高后欲立諸呂為王問陵陵曰高皇帝刑白馬而盟曰非劉氏而王天下者天下共擊之今王呂氏非約也太后不悅問左丞相陳平及絳侯周勃等皆曰高帝定天下王子弟今

太后稱制欲王昆弟諸呂無所不可太后喜罷朝陵讓平勃曰始與高帝啜血而盟諸君不在耶今高皇崩太后女主欲王呂氏諸君縱欲阿意背約何面目見高帝於地下乎平曰於今面折廷爭臣不如君全社稷定劉氏後君亦不如臣陵無以應之 又曰文帝朝而問右丞相周勃曰天下一歲決獄幾何勃謝曰不知又問曰天下錢穀一歲出入幾何又謝曰不知汗出洽背愧不能答上亦問左丞相陳平平曰各有主者上曰主者為誰乎平曰陛下即問決獄責廷

尉問錢穀責治粟內史上曰苟各有主者而君所主

何事也平謝曰主臣

文穎曰惶恐之辭也猶今言死罪也孟康曰主臣主羣臣也若

今言人主晉灼曰主擊也臣服也言其擊服惶恐之辭師古曰文晉二說是也補

陛下不知

其駑下使待罪宰相夫宰相者上佐天子理陰陽順

四時下遂萬物之宜外鎮撫四夷諸侯內親附百姓

使卿大夫各得任其職也上稱善勃大慙出而讓平

曰君獨不素教我乎平笑曰君居其位獨不知其任

耶且陛下即問長安盜賊數又欲強對耶於是絳侯

自知其能不如平遠矣居頃之勃謝病請免相而平

北堂書錄 卷五十一  
顯爲丞相 又曰樊噲爲左丞相先黥布反時高祖常病甚惡見人臥禁中詔戶者無得入羣臣羣臣絳灌等莫敢入十餘日噲乃排闥直入大臣隨之上獨枕一宦者臥噲等見上流涕曰始陛下與臣等起豐沛定天下何其壯也今天下已定又何憊也且陛下病甚大臣震恐不見臣等計事顧獨與一宦者絕乎且陛下獨不見趙高之事乎高帝笑而起 又曰張蒼陽武人也從攻南陽坐法當斬解衣伏質身長大肥白如瓠王陵見而怪其美乃言沛公赦之及貴父

李陵死後蒼爲丞相洗沐常先朝陵夫人上食然後敢歸家蒼爲丞相十餘年免相後口中無齒食乳女子爲乳母 若妻妾以百數嘗孕者不復幸補 年百餘歲乃卒 又

曰王商字子威涿郡人爲丞相有威重長八尺餘身體弘大容貌過人單于來朝引見白虎殿商坐未央廷中單于前拜謁商起離席與言單于仰視商貌大畏之遷延却退天子聞而嘆曰此真漢相矣 又曰王駿爲少府會御史大夫缺薛宣爲少府月餘遂超御史大夫竝居位八歲病卒程方進代駿爲大夫數

月薛宣免遂代為丞相衆人為駿恨不得封 又曰  
王嘉字公仲哀帝時為丞相為人剛直嚴毅有威重  
上甚敬之

北堂書鈔卷第五十一

唐 姚江 虞世南 輯

明海虞陳禹謨校并補註

設官部三

太宰 太尉 大司馬 大將軍

太宰

太宰古官金章紫綬

晉百官表注云云五時朝服進賢三梁冠珮山玄玉官品第一

也冢宰之官以成道

家語云古之御天下者以六官總治焉冢宰之官以成道司徒

之官以成德宗伯之官以成義司空之官以成禮補 統理百